

NA GADO WI E GI ALA GLORI



Les 5 fu 1 Awgestes 2026



(1 Korente. 10:31)
«Datmeki nyan
noso dringi, noso
san yu e du, du
ala sani gi a glori
fu Gado»

A bigin nanga 1 Korente 7, dan Pawles poti ensrefi fu piki tapu wan lo aksi di den sma fu Korente ben seni gi en ini wan brifi .(1 Kor. 7:1a).

Fu a sani datii , ala di kapitri 8 nanga 10 e go spesrutu abra afkodrei, Pawles e trusu wan tu sani kon na mindri, di no abi te make nanga a spesrutu sondu disi.

Toku, ai proberi fu abi wan koneksi ini ala den sani disi : lobi nanga respekti gi makandra, di musu tyari a kerki fu de.wan.

Makandra nanga a prakseri disi, Pawles e flaka a nowtu fu ala sani, ini kerki nanga ini yu eigi libi, musu du, ini glori fu Gado.



1 Korente 8

Afkodrei nyanyan
(Koni nanga lobi)

1 Korente 9

Pawles e poti en reti na wan sei
(Den reti fu a bun nyunsu)

1 Korente 10:1-13

Warskow teige afkodrei
(Les fu bifo)

1 Korente 10:14-22

A kompyi fu Masra nanga a kompyi fu didibri
(Poti afkodrei na wan sei)

1 Korente 10:23-33

Du ala sani fu a. glori fu Gado
(San kan ,nanga san fiti)

KONI NANGA LOBI 1 Korente 8

(Afkodrei nyan)

"Koni e bigi yu, ma lobi e meki trawan bigi"
(1 Korente 8:1b)

Pawles "e prati" a kerki ini tu grupu, a "tranga wan", nanga a "swaki wan".

**1 Korente
8:4-7a**

Den di tranga e ferstan dati popki no de
noti, bika na wan tru Gado nomo de.

Den swaki bv wan no
grabu a tori disi ete.

**1 Korente
8:7b**

Den di tranga e nyan meti di na afkodrei
nyan, bika den sabi dati popki no kan
pori a nyan.

Den swaki wan e bribi
dati den e sondu efu den
nyan a meti da.

Ma den di tranga, nanga den koni nanga den eksempre,
kan sorgu dati den swaki wan fasdon.. (1 Kor. 8:10). Tangi
fu a lobi di a abi gi en brada, a tranga wan musu hori
ensrefi. (1 Korentte. 8:11-13).

Kresten musu poti lobi. Bifo koni, te koni kan tron wan
ston pe den "swaki" brada kan fadon (ini en gro).



DEN RETI FU A BUN NYUNSU

1 Korente 9 (Pawless e poti en reti na wan sei)

"Na a srefi fasi , Masra komandere, dati den di e preiki a bun nyunsu, sa kisi den paiman fu a bun nyunsu." (1 Kor.9:14)

Pawles poti dri reti na wan sei, fu a lobi, di a abi gi den swake wan:



* Reti fu a kon makandra gi den nyan.(1 Korente 9:4)

➤ Pawles poti en reti leki wan apostel fu den kraka en nanga nyan,na den kerki,so fa tra apostel ben du



* Reti fu abi en wefi nanga en. (1 Kor. 9:5)

➤ A aladei gwentu fu den apostel , ben de fu waka makandra nanga den wefi, fu sorgu den e'n fu yepi den ini den wroko. A uma disi, so lleki den man, ben sa abi a reti fu kerki ben sorgu den



* A reti fu no du aladei wroko fu sorgu den srrefi. (1 Kor.9:6)

➤ Pawles wani fu wroko fu sorgu ensrefi , fu no meki sma denki dati a wani fordeil fu den sma e'n fu gi den wan eksempe fu no pprakseri ensrefi

Ala di Yeises meki a krin, dati den di e preiki a bun nyunsu, musu libi fu a bun nyunsu, e'n Pawless nanga Barnabas nanga den eigi wani poti dati na wan sei, ,fu no hebi a libi gi den bribi sma (1 Kor. 9:12-14;Luk. 10:7).





LES FU TEN DI PSA

1 Korente 10:1-13 (Warskow teige afkodrei)

"No du afkodrei, no so leki wan tu fu yu ben de; fu di a skrifi: " A folku saka sdon fu nyan nanga dringi ,dan den opo fu dansi." (1 Kor.10:7)





A ondrofeni fu Eksodes, te wi ferstan en na yeyefasi,ai waka skin skin nanga di fu wi. A abra fu a se de leki wan dopu ferbontu. (1 Kor.10:1,2).

A nyan nanga dringi di den teki ini a sabana, ,de leki fa wi e teki prati na a Santa Gran bun, pe wi e nyan dringi , na yeye fasi fu a skin nanga a brudu fu Yeises. (1 Kor. 10:3,4).



Luku bun ! Ala di den abi a ondrofeni , den Israelit fadon ini seriusu sondu, afkodrei nanga takru sex. No meki a srefi sani miti wi.! (1 Kor.10:5-10).

Datmeki a apostel e tapu a pisi disi nanga wan krakti rai:" So efu yu denki yu e tnapu tranga , luku bun yu no fadoon"(1 Kor.10:12).



LIBI AFKODREI

1 Korente 10:14-22 (A komptiyi fu Masra nanga a kompyi fu didibri)

"Datmeki lobi brada , long gi afkodrei." (1 Kor. 10:14)




Efu nyan gi afkodrei ,yu kan nyan sondro fu broko yu ede,fu sainde Pawles e gi wi rai, fu no duen ini 1 Korente 10:20 ?

Na wan sani fu nyan meti na oso,sondro fu broko ede,,ma a de wan heri tra sani fu nyan en pe ala sma e si en pe den e meki prisiri nanga afkodrei. Efu yu moksi nanga den ini a prisiri disi , dan a bribisma e poti en bribi na wan sei e'n ai teki afkodrei fu anbegi.

Efu wi e teki a Santa Gran Bun, wi e kon wan nanga a skin fu Krestes(a kerki sobu) pe efu wi e teki prati ini afkodrei, wi e teki prati nanga den didibri.(1 Kor.10:16-20).

Wi no kan teki a kompyi fu a Gran Bun, prijse Yeises e'n –a na srefi ten – teki a kompyi di e prijse didibri. (1 Kor. 10:21).



SAN MAG NANGA SAN FITI

1 Korente 10:23-33 (Du ala sani fu a glori fu Gado)


"Datmeki, efu na nyan noso dringi, awasi san yu e du, du alasani fu a glori fu Gado." (1 Kor. 10:31)

"Alasani nanga permisi, ma no alasani bun") 1 Kor.10:23) Tu tranga eksemple:



A srakti oso ben e seri ala tu, nyan san ben o'fer nanga san no ben o'fer. A sma di ben e bribi, no ben musu aksi pe a ben k'moto, so fasi a no meki sma sabi, dati a no ben mag nyan a sortu meti dati. (1 Kor. 10:25).

Un Wan sma di no ben bribi kari wan sma di ben bribi fu kon nyan. A sma di ben bribi, nyan sondro fu aksi wan sani.(ala sani mag na en) Ma a sma di ben kari en, taki dati a meti ben o'fer gi afkodrei. Datmeki, fu a sma di kari en no kisi konsensi fonfon, a no ben fiti fu a sma di ben e bribi fu nyan a meti dati. (1 Kor.10:27-29).



A fundamenti denki baka den tori disi owktu de tu: fu prijse Gado. Ini ala sani.(1 Kor.10:31) nanga fu suku a fordeil gi trawan.(1 Kor.10:24,32).

Dati na lobi gi Gado na loktu, abra ala sani nanga yu birti leki yu srefi.(yoisti fa Yeises ben aksi a gudu yonkuman).

«A apostel bigi den sma gu Korente “ Meki en di e denki dati a tnapu, luku bun fu a no fadon.” Efu den begin dyaf, bow na tapu den srefi, no hori wakti e'n begi, den sa fadon ini dipi sondu,sofasi den sa kari a atibron fu Gado tapu den srefi...[...]

Pawles aksi den brada tranga fu aksi den srefi sortu winti den wortu nanga den du sa abi tapu trawan e'n fu no du noti,awasi no wan fowtu no de, dati ben sa meki afkodrei ben sa de leki wan santa sani noso fu meki den di swaki ini bribi ,dege dege.” Efu yu e nyan noso dringi , noso wasi san yu e du , du ala sani fu a glori fu Gado. No hender no wan sma no na den dyu , owktu den Hijden ,noso a kerki fu Gado.”»